

CYNGOR CYMUNED LLANBERIS

COFNODION CYFARFOD MIS RHAGFYR 2022:

Cofnodion cyfarfod y Cyngor a gynhaliwyd yn Y Ganolfan, Llanberis nos Fercher yr 8fed o Ragfyr, 2021 am 7.00 y.h. Estynwyd croeso gan y Cadeirydd i'r aelodau. Cadwyd rheolau pellter a glendid.

1 PRESENNOL ac YMDDIHEURIADAU:

Ward Padarn: Rhys ap Gwilym (Cadeirydd), Olwen Gwilym, Iwan Harding, Bethan Holding, Heather L Jones, Cyng. Kevin Morris Jones, Claudia O'Donnell, Helen Sharp, Trystan Thomas.

Ward Peris: Iola Owen,

Ymddiheuriadau: Gwilym Evans, Kim Jones, Llinos Haf Pritchard.

Hefyd yn bresennol: Dei Tomos (Clerc).

2 DATGAN BUDDIANT:

Cofnodir, os yn berthnasol, o dan y gwahanol benawdau.

3 CADARNHAU COFNODION:

Cadarnhawyd cofnodion cyfarfod nos Fercher, y 10fed o Dachwedd, 2021, fel rhai cywir ac fe'i llofnodwyd gan y Cadeirydd. Cynnig ac eilio: HLJ / BH.

4 MATERION YN CODI O'R COFNODION:

1. Cofeb y Chwarelwyr:

Adroddwyd mai siomedig oedd y nifer a ddaeth i'r Cyfarfod Cyhoeddus. Penodwyd pwyllgor i symud pethau ymlaen gyda Kim Jones yn Ysgrifennydd a Dei Tomos yn Gadeirydd.

2. Cyflwr fflat yn Maes Padarn:

Adroddwyd fod archwiliad manwl wedi ei wneud o'r fflat dan sylw gan swyddogion Adre ac fod cynllun gwaith yn ei le i gywiro'r diffygion. Diolchwyd i'r cyghorwyr a fu ynglyn â hynny ac roedd y teulu wedi mynegi eu diolch i'r Cyngor hwn am ei gymorth

- [DATGAN DIDDORDEB: Gan fod KJ yn gyflogedig gan Adra, wnaeth hi ddim cymeryd rhan yn y drafodaeth]

3. CG - Llifogydd A4086:

Dywedodd y Clerc iddo ail gysylltu gyda Cyngor Gwynedd (CG) ynglyn a'r manau a nodwyd o'r blaen lle bu llifogydd, ac iddo ef a'r Cyng KMJ gysylltu ynglyn â'r pwll cyson o ddŵr sy'n ymddangos ar y ffordd fawr ger mynedfa Y Glyn ac Ynys Wen. Hyd yma chafwyd dim ateb i'r naill lythyr na'r llall.

4. Goleuadau Nadolig:

Adroddwyd i'r coed gael eu codi i'w lle, ond bu rhaid oedi am ddeuddydd cyn goleuo coeden Llanberis oherwydd y tywydd mawr. Gwerfawrogwyd cymorth Ceirion Williams a'r 'casglwr ceirios' i wneud y gwaith a diolchwyd iddo.

5. Cae Pel-droed UEFA:

O'r tair elusen y cysylltwyd a nhw roedd dwy wedi ymateb yn ffafriol. Cafwyd £2,500 gan gwmni Engie (First Hydro) a £15,000 o Gist Gwynedd (CG) sef rhan o gymorth Llywodraeth Cymru tuag at chwaraeon. Bydd pwyllgor Elusen Dyffryn Peris yn ystyried ein cais yr wythnos nesaf.

Ar sail y cymorth a addawyd yn barod penderfynwyd bwrw 'mlaen i archebu y wyneb newydd i'r cae gan dderbyn cyngor y cwmni mai'r un a fyddai'n derbyn traul orau gyda amrywiaeth o esgidiau fyddai'r un i'w archebu. Byddai rhaid cwblhau y gwaith cyn diwedd Mawrth 2022. Cynnig ac eilio: TT / IO.

6 MATERION ERAILL

1. Cysgodfan Bws:

Adroddwyd fel yr oedd lorri wedi chwalu'n rhacs y gysgodfan ger Siop 'One Stop' ar y Stryd Fawr. Digwyddodd y difrod yn gynnar ar fore'r 2ail o Ragfyr. Cysylltodd y gyrrwr a Pheiriannydd CG a threfnwyd i ddau o ddynion CG i glirio'r llanast a thrwsio'r palmant. Dywedodd y Clerc y byddai CG yn hawlio arian am y gwaith clirio oddi wrth gwmni yswiriant y lorri. Bydd y Cyngor yn gwneud cais am gysgodfan newydd trwy'n hyswirwyr. Rhoddwyd caniatad i'r Clerc fwrw 'mlaen i archebu un newydd ar yr un patrwm a'r un a ddfrodwyd. Cynnig ac eilio: KMJ / OG.

2. Protocol Datrysiadau Lleol - Un Llais Cymru:

Penderfynwyd derbyn y model o *Brotocol Datrysiadau Lleol ar gyfer Cynghorau Tref a Chymuned* a baratowyd gan Un Llais Cymru ac a ddsbarthwyd i'r aelodau. Mae'n ddogfen ar gyfer cynorthwyo Cynghorau i ddatrys problemau a allai ddeillio o gwynion gan aelodau yn erbyn aelodau neu gan Swyddog yn erbyn aelodau neu gan y Cyhoedd yn erbyn y Cyngor neu ei aelodau neu lle mae'r Cod Ymddygiad wedi ei hanwybyddu ag ati.

3. Cronfa Mân-gymorthdaliadau:

Adroddwyd i'r Clerc osod hysbyseb ar y Wefan, gyda'r dyddiad cau ar gyfer ceisiadau ar y 5ed o Ionawr er mwyn eu trafod ymhen yr wythnos yng nghyfarfod mis Ionawr (12.01.22). Gofynnwyd i'r aelodau atgoffa unrhyw rai a allai fod yn gymwys i wneud cais.

4. Arolwg Ail-gartrefi a Llety hunan-ddarpar (Air B&B):

Yn dilyn y penderfyniad i ymateb i Ymgynghoriad Trethi Lleol holwyd a oedd yr aelodau wedi cael cyfle i gasglu tystiolaeth am y nifer o gartrefi a oedd yn cael eu defnyddio fel ail gartrefi neu ar gyfer eu gosod ar gyfer gwyliau? bydd rhaid cael y wybodaeth erbyn y cyfarfod nesaf.

5. Cyllideb / Praesept

Atgoffwyd yr aelodau y bydd angen gosod Cyllideb yn y cyfarfod nesaf er mwyn anfon swm y Praesept a benderfynir i CG cyn diwedd Ionawr. Gofynnwyd am unrhyw syniadau buddsoddi ar gyfer y cyfarfod nesaf.

6. Cynllun Cyfaill:

Penderfynwyd bod yn barod i ail afael yn y Cynllun Cyfaill, pe bai cynydd sylweddol yn nifer y bobl yn dioddef o'r Covid a pe bai yna benderfyniad gan y Llywodraeth i gyfyngu ar symudiadau.

7 GOHEBIAETH:

1. CG - Grantiau Bwyd

Llythyr oddi wrth CG yn nodi fod grantiau newydd ar gael ar gyfer grwpiau cymunedol a fyddai am baratoi cynlluniau bwyd. Gallai'r arian fynd at Fanciau Bwyd, cynnal Cynlluniau Bwydo, cynnal Cynlluniau Darparu Pecynnau Bwyd, (y ddau gynllun olaf ar gyfer yr hyn a elwir yn bobl fregus). Y cysylltiad yw Rhian Elin George yn CG.

2. CG - Grant Oed Gyfeillgar:

Grant fyddai'n cynorthwyo pobl hŷn i ail gysylltu a'u cymuned ar ôl Covid-19. Y cymorth ar gael ar gyfer ystod eang o gymdeithasau, capeli neu eglwysi ag ati. Cyswllt Mirain Llwyd Roberts yn CG.

3. Cyfarfod LleChi:

Manylion am gyfarfod Rhagfyr ac am swydd a hysbysebir yn yr Amgueddfa Lechi i fel Rheolwr Prosiect.

4. CG - Cau Ffordd

Rhybudd y bydd y Ffordd Osgoi, Llanberis yn cau o ddechrau Ionawr ar gyfer gwaith yn gysylltiedig a'r orsaf drydan. Y dyddiad yw'r 10fed o Ionawr 2022.

5. Llywodraeth Cymru (LIC)

Nodyn i ddweud fod LIC wedi cyhoeddi diweddariad i'w Rhaglen Llywodraethu yn dilyn arwyddo Cytundeb Cydweithio a Phlaid Cymru.

6. Awdurdod Parc Cenedlaethol Eryri (APCE):

Nodyn yn dweud fod APCE yn cychwyn ar gynllun/prosiect newydd i reoli 14 Ardal Cadwraeth Eryri. yn eu plith mae canol pentre Nantperis. Mae swyddogion yn gysylltiedig a'r cynllun yn awyddus i gyfarfod y Cyngor. Cytunwyd iddynt ddod i gyfarfod mis Ionawr ac i ddechrau'r cyfarfod am 6.30.

8 MATERION ARIANNOL:

1) Yn y Banc ar yr 28ain o Dachwedd, 2021:

Cyfrif Cyfredol: £18,365.14 Cyfrif Cadw: £5,366.34

2) Cadarnhawyd y taliadau canlynol:

CYFANSWM ... £1,889.03

3) Arian a dderbyniwyd rhwng 29/10/2020 a 28/11/2021:

CYFANSWM ... £345.00

Cynnig ac eilio: TT / KMJ

9 CYNLLUNIO:

CG:

- C21/1140/15/LL - Y Berllan, Ffordd Capel Coch, Llanberis - *cais ar gyfer codi byngalo dormer, lledu'r fynedfa bresennol ynghyd â darparu llecynnau parcio - dim gwrthwynebiad.*

10 ADRODDIADAU ALLANOL:

Cafwyd adroddiad gan y Clerc iddo fynychu **Cynhadledd Cynllun Economi Ymweld Cynaliadwy Gwynedd ac Eryri 2035** ar lein. Trafodwyd effaith twristiaeth ar yr ardal o fewn y Parc yn benodol gan roi cryn sylw i'r lles economaidd a ddaw o dwristiaeth. Hynny yn bennaf gan y siaradwyr a wahoddwyd i annerch. Roedd eraill o'r llawr mewn grwpiau wedyn yn amau peth o'r hyn a ddywedwyd gan dynnu sylw at ordwristiaeth a'r sgil effeithiau anfodddhaol sydd wedi dod i'r amlwg yn ddiweddar. Prin oedd y sylw a gafodd 'bod yn gynaliadwy' a sut mae gwneud hynny. Eto roedd y ffaith i dros gant o bobl fod yn bresennol yn dangos fod hwn ym marn llawer yn bwnc pwysig a bydd mwy o gyfle i drafod yn y flwyddyn newydd.

11 CYFARFOD NESAF:

Dyddiad y cyfarfod nesaf. Nos Fercher, 12fed o Ionawr, 2022 am 6.30yh yn Y Ganolfan (os bydd amgylchiadau yn caniatáu, neu ar Zoom fel arall).

Arwyddwyd a chafwyd yn gywir:

Cadeirydd: Rhys ap Gwilym

Clerc: Dei Tomos

Dyddiad 12fed o Ionawr, 2022